


Dialuna

# Tata di Natalee como tambe Fiscal Gerretsen a bay Warda di Polis



Fiscal Gerretsen.

ORANJESTAD(AAN): Dialuna atardi diferente miembro di prensa a acudi dilanti di warda di polis na p'aya, mirando cu tabata tin informacion circulando cu e sospechoso Hulandes den e caso di Natalee Holloway lo tabata na warda pa worde interroga.

Diferente miembro nacional y internacional di

prensa a keda warda basta rato, sinembargo polis no a sali cu e sospechoso, si acaso e tabata tey.

DIARIO a wak si cu Fiscal Gerretsen, kende tambe ta parti di investigacion di e caso aki, a presenta na warda di polis, sinembargo e no kier a duna e pakico di su presencia.



DIARIO a nota tambe Tata y madrastra di Natalee Holloway, ora cu nan tabata bandona warda di polis.

Mester bisa cu polis y otro personanan involvi den investigacion di e caso aki, ta birando dia pa dia mas

cauteloso pa bisa cualkier cos di e caso aki, quizas pa nan no worde mal interpreta un biaha mas.